

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

Odbor za pravdu, opću upravu i lokalnu samoupravu

Broj: 02/16-02-1231/25
Sarajevo, 10.06.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 10-06-2025			
Org. jed.	Broj	Priloga	Vrijednost

**DOMU NARODA
PARLAMENTA FEDERACIJE BiH**

Odbor za pravdu, opću upravu i lokalnu samoupravu Doma naroda Parlamenta Federacije Bosne i Hercegovine, na 6. sjednici održanoj 10.06.2025. godine, razmatrao je:

1. Prijedlog zakona o Gradu Kiseljak - skraćeni postupak,
2. Prijedlog zakona o izmjenama i dopunama Krivičnog zakona Federacije Bosne i Hercegovine,
3. Inicijativa za davanje autentičnog tumačenja odredbe člana 19. stav (5) Krivičnog zakona Federacije Bosne i Hercegovine, dostavljena od strane Općinskog suda u Velikoj Kladuši,
4. Inicijativa za davanje autentičnog tumačenja odredbe člana 288. stav (2) Zakona o krivičnom postupku Federacije Bosne i Hercegovine, dostavljena od strane Općinskog suda u Velikoj Kladuši,
5. Inicijativa za davanje autentičnog tumačenja odredbi člana 44. st. (1) i (2) Zakona o krivičnom postupku Federacije Bosne i Hercegovine, dostavljena od strane gospodina Elvira Rahmanovića, tužioca Kantonalnog tužilaštva Zeničko - dobojskog kantona,

Na osnovu člana 51., a u vezi sa članom 70. Poslovnika o radu Doma naroda Parlamenta Federacije Bosne i Hercegovine, Odbor podnosi Domu naroda sljedeći

IZVJEŠTAJ

1. Prijedlog zakona o Gradu Kiseljak - skraćeni postupak,

Odbor je u okviru svojih nadležnosti razmatrao Prijedlog zakona o Gradu Kiseljak - skraćeni postupak.

Odbor nije podržao razmatranje i donošenje Zakona po skraćenom postupku i predlaže Domu naroda Parlamenta Federacije Bosne i Hercegovine da ne usvaja Prijedlog zakona o Gradu Kiseljak - skraćeni postupak.

2. Prijedlog zakona o izmjenama i dopunama Krivičnog zakona Federacije Bosne i Hercegovine

Odbor je u okviru svojih nadležnosti razmatrao Prijedlog zakona o izmjenama i dopunama Krivičnog zakona Federacije Bosne i Hercegovine i nije imao primjedbi.

Odbor predlaže Domu naroda Parlamenta Federacije Bosne i Hercegovine da usvoji Prijedlog zakona o izmjenama i dopunama Krivičnog zakona Federacije Bosne i Hercegovine.

3. Inicijativa za davanje autentičnog tumačenja odredbe člana 19. stav (5) Krivičnog zakona Federacije Bosne i Hercegovine, dostavljena od strane Općinskog suda u Velikoj Kladuši

Predsjedavajući Doma naroda Parlamenta Federacije Bosne i Hercegovine aktom, broj: 01/c;02/c-02-1802/24 od 31.07.2024. godine, dostavio je Odboru za pravdu, opću upravu i lokalnu samoupravu Inicijativu za davanje autentičnog tumačenja odredbe člana 19. stav (5) Krivičnog zakona Federacije Bosne i Hercegovine, upućenu od strane Općinskog suda u Velikoj Kladuši.

Odbor za pravdu, opću upravu i lokalnu samoupravu na 6. sjednici, održanoj 10.06.2025. godine, razmatrao je navedenu inicijativu i zaključio sljedeće:

Odredba člana 19. stav (5) Krivičnog zakona Federacije Bosne i Hercegovine ("Službene novine Federacije BiH", br. 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17 i 31/23) koja glasi "Zastara izvršenja kazne nastupa u svakom slučaju kada protekne dvaput onoliko vremena koliko zakon propisuje za zastaru izvršenja kazne", dovoljno je jasna i nedvosmislena, te autentično tumačenje predmetne odredbe nije potrebno.

5. Inicijativa za davanje autentičnog tumačenja odredbe člana 288. stav (2) Zakona o krivičnom postupku Federacije Bosne i Hercegovine, dostavljena od strane Općinskog suda u Velikoj Kladuši

Predsjedavajući Doma naroda Parlamenta Federacije Bosne i Hercegovine aktom, broj: 01/02,02/2-02-2545/24 od 19.12.2024. godine, dostavio je Odboru za pravdu, opću upravu i lokalnu samoupravu Inicijativu za davanje autentičnog tumačenja odredbe člana 288. stav (2) Zakona o krivičnom postupku Federacije Bosne i Hercegovine, upućenu od strane Općinskog suda u Velikoj Kladuši.

Odbor za pravdu, opću upravu i lokalnu samoupravu na 6. sjednici, održanoj 10.06.2025. godine, razmatrao je navedenu inicijativu i zaključio sljedeće:

Odredba člana 288. stav (2) Zakona o krivičnom postupku Federacije Bosne i Hercegovine ("Službene novine Federacije BiH", br. 35/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20), koja se odnosi na izuzetak od neposrednog izvođenja dokaza i glasi "Zapisnici o iskazima danimu istrazi mogu se po odluci sudije odnosno vijeća pročitati i koristiti kao dokaz na glavnoj raspravi samo u slučaju ako su ispitane osobe umrle, duševno oboljele, ili se ne mogu pronaći, ili je njihov dolazak pred sud nemoguć, ili je znatno otežan uslijed

važnih uzroka ili ako bez zakonskih razloga neće da daju iskaz na glavnoj raspravi.”, dovoljno je jasna i nedvosmislena, te autentično tumačenje nije potrebno.

6. Inicijativa za davanje autentičnog tumačenja odredbi člana 44. st. (1) i (2) Zakona o krivičnom postupku Federacije Bosne i Hercegovine, dostavljena od strane gospodina Elvira Rahmanovića, tužioca Kantonalnog tužilaštva Zeničko - dobojskog kantona

Predsjedavajući Doma naroda Parlamenta Federacije Bosne i Hercegovine aktom, broj: 01,02,01/c;02/c-02-597/25 od 04.03.2025. godine, dostavio je Odboru za pravdu, opću upravu i lokalnu samoupravu Inicijativu za davanje autentičnog tumačenja odredbi člana 44. st. (1) i (2) Zakona o krivičnom postupku Federacije Bosne i Hercegovine, upućenu od strane gospodina Elvira Rahmanovića, tužioca Kantonalnog tužilaštva Zeničko - dobojskog kantona

Odbor za pravdu, opću upravu i lokalnu samoupravu na 6. sjednici, održanoj 10.06.2025. godine, razmatrao je navedenu inicijativu i zaključio sljedeće:

Odredbe člana 44. st. (1) i (2) Zakona o krivičnom postupku Federacije Bosne i Hercegovine (“Službene novine Federacije BiH”, br: 35/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20) koje glase; „Odredbe o izuzeću suca smisljeno se primjenjuju i na tužitelja i osobe koje su na temelju zakona ovlaštene ga zastupati u postupku, zapisničare, sudske tumače, stručne osobe, kao i na vještake, ako za njih nije što drugo određeno, i „Tužitelj odlučuje o izuzeću osoba koje su na temelju zakona ovlaštene ga zastupati u kaznenom postupku. O izuzeću tužitelja odlučuje kolegij tužiteljstva.“, su dovoljno precizne, jasne i nedvosmislene, te autentično tumačenje nije potrebno.

Za izvjestioca na sjednici Doma naroda Parlamenta Federacije Bosne i Hercegovine određen je Senad Alić, predsjednik Odbora.

PREDSJEDNIK ODBORA

Senad Alić